



Broj: 14-11-323/25
Vogošća, 18.03.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 18.03.2025. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE OBJAVLJIVANJA
OBAVJEŠTENJA U SLUŽBENOM GLASNIKU BIH**

Član 1.

Ponuda ponuđača JP "NIO Službeni list BiH", ulica Džemala Bijedića broj 39/III Sarajevo, odabrana je za pružanje usluge objavljivanja obavještenja u Službenom glasniku BiH, kao jedina pristigla ponuda, sa ponuđenom ukupnom cijenom nabavke u iznosu od 21.676,20 KM bez uračunatog PDV-a, odnosno 25.361,15 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 21.02.2025. godine donio Odluku o pokretanju Otvorenog postupka nabavke usluge objavljivanja obavještenja u Službenom glasniku BiH, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 24.02.2025. godine pod brojem: 1353-1-2-22-3-56/25.

Sažetak Obavještenja o nabavci objavljen je u "Službenom glasniku BiH" broj: 12/25 od 28.02.2025. godine.

Tendersku dokumentaciju sa Portala javnih nabavki BiH su preuzela 4 (četiri) ponuđača. Krajnji rok za dostavu ponuda bio je 17.03.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 17.03.2025. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača JP "NIO Službeni list BiH", broj int. knjige 96/25, sa ponuđenom ukupnom cijenom nabavke u iznosu od 21.676,20 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-323/25 iz februara 2025. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača JP "NIO Službeni list BiH" ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača JP "NIO Službeni list BiH", te je izvršena računsa provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača JP "NIO Službeni list BiH", za pružanje usluge objavljivanja obavještenja u Službenom glasniku BiH, kao jedine pristigle ponude, sa ponuđenom ukupnom cijenom nabavke u iznosu od 21.676,20 KM bez uračunatog PDV-a, odnosno 25.361,15 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Dejna Sarač





Dostavljeno:

1. JP "NIO Službeni list BiH"
2. Nadležnoj Službi
3. U dosije
4. a/a

jnb.komercijala@sllist.ba